

貴州沿公路各縣概況

貴州沿公路各縣概況

京滇公路週覽會籌備會貴州分會宣傳部編

JD

12,222-473

0038

貴州  
期

請注意按照  
電話：8

館

等外

東  
路

目

次

一·玉屏

二·青溪

三·三穗

四·鎮遠

五·施秉

六·黃平

西  
路

一·清鎮

二·平壩

三·安順

七·鑪山

八·平越

九·貴定

十·龍里

十一·貴陽

四·鎮寧

五·關嶺

六·安南

貴州沿公路各縣概況

目次

貴州沿公路各縣概況

目次

七·普安

八·盤縣

北 路

一·修文

三·遵義

二·息烽

四·桐梓

南 路

一·都勻

二·獨山

# 貴州沿公路各縣概況

## 東路

由湘西沿京公路入貴州境，首經玉屏縣，其地古爲雄溪，漢馬援略地五溪，此其一也，唐宋俱屬兩陽縣地，元置平溪蠻夷司，明設平溪衛，隸湖廣都司，雍正五年撥屬貴州，改衛設立玉屏縣。全縣面積約九·五〇〇方里，居民爲四，七五六戶，男子一九，七四九人，女子一五，三八七人，共計三五，一三六人，其中壯丁爲六，九六八人，城內有兩級小學二所，男女學生共二百三十七人。全縣農產平均每年產稻十萬石，玉蜀黍二千餘石，大小麥二三千石，桐油產量亦夥，多藉水道輸入。礦產以煤爲較豐，惟產量不大，僅能自給，工藝品以洞簫著名全國，城內製簫者約數十家，過去以鄭芝山老店所製者爲最佳，近則張寶山等家亦屬

## 貴州沿公路各縣概況

二

後起之秀，其價自每對數角至數元者，但過去在玉屏僅值五角，運至平京滬各地可售至五元以上，以故各方人士旅行過此，多爭相購置以作紀念或分贈友朋，購置者可臨時命其刊刻款識，鐵筆作書可立而待。各家除製簫笛外，兼製竹杖，其杖以黑竹製成，刊刻文字，頗爲典雅，過客多購置之。

京滬公路自湘西鮎魚堡入經南寧堡，耙子坳、七里塘，杉木坳至玉屏縣城，計程一四，九二公里。自縣城東南行經高坡坳，新店，至青溪縣界計程一一，七七公里，全縣境內共有公路長二六，六九公里，道路平坦，車行甚暢。

本縣名勝古蹟，計有左列數處：

萬卷書巖——在玉屏城東一里，踞平溪之口，峭壁千尋，石文折疊，如架綉帙，因以名之，明大司馬熊壇石謂蓮峯側峙，峯瓣如筆卓立，爲筆峯；巖上深潭不波，水動如墨爲墨潭；洲浮水面如鳩眼，爲硯洲；前俯沙坪，滑淨如魚網，爲紙坪，稱書巖四景。

銅鼓巖——在城東五里，巖有石洞，鏗如銅鼓，相傳馬伏波略定五溪時駐兵於此。

鴻雪草堂——在玉屏縣東山，明天啓年間，豫章壇石熊公謫平時建，取蘇子瞻飛鴻踏雪之句，名曰鴻雪草堂，修衛志於此。

讀騷草堂——在玉屏江邊，爲明尙書鄭逢元天瑜別墅。

瑞雪寺——在城西紫氣山，明初建，花鳥幽異，竹柏蔚蒼，鬱爲叢林，四面溪山，飛巖捲翠，昔有人請乩，題詩云：「山勢似斷未斷，水聲欲停不停，行過小回首，天然一幅丹青。」

衆香寺——在城西南五里飛鳳山，雲烟罨靄，石壁如削，瀑布飛白，河流其下，上多蘭茝，幽香四時不絕。

## 二 青溪

青溪縣在元時爲大坪村蠻地，明洪武時始建清浪衛，隸湖廣都司，雍正五年

貴州沿公路各縣概況

#### 貴州沿公路各縣概況

四

撥隸貴州，設縣治。城臨澗水，全縣面積約六七〇〇方里，人口共二四，五三三人，

農產平均每年產稻四萬餘石，玉蜀黍二三百石，大小麥四百石，桐油產量最多，平均年產五千擔。礦產以鐵最富，品質亦佳，惜所產煙煤，不能用以鍊鐵。最近清時曾在該縣設立大規模鐵廠以資採練，後因煤質不良失敗，負責人員，或罪自殺，或逃逸無踪，以致停閉，現廠址尙可尋覓，各項機件，皆已鏽腐不堪。該縣亦產洞簫，惟不如玉屏出品之精良。

京滇公路自玉屏縣東南入境，經羊坪，嚮水均，漫坡塘，五里牌至青溪縣城計一三，一二公里，又至縣城經平陽堡，竹坪，硃砂堡，至青穗橋（青溪三種兩縣分界處）計程一五，六八公里，全境公路共長二八·八〇公里，惟至五里牌經縣城至竹坪段正修築中，現時行車係自五里牌逕至竹坪，道路尙稱平坦。水道上通鎮遠，下通玉屏，可航載重三千斤之小木船。



本縣名勝古蹟以左列兩處較著

瑞雲山——在青溪縣南，高數千仞，上有瑞雲峯，雲出山頂，瀟瀟舒空，五彩相宜，結爲繖蓋。

田佃洞——在青溪縣鷄鳴關之西，懸崖百仞，洞踞崖顛，曾有老巫，逐神入洞，但見巨蟒潛伏其中，長不可極，巫家祈弔，呼爲田先生。

### 三 三穗

三穗縣本鎮遠府地，縣丞所駐，民國析置邛水縣，後以縣中禾生三穗改名，全縣計一〇，四八七戶，男子爲三一，三三八人，女子爲二八，八〇六人，共計六〇，一四四人，其中壯丁共一一，五三〇人，全縣有兩級小學七所，初級小學十二所，男學生共八百六十五人，女學生共一百零二人。農產平均每年產稻五萬餘石，玉蜀黍六千餘石，大小麥二千餘石，桐油產量最豐，年產六七千担。礦產僅煤，且產量不豐。

貴州沿公路各縣概況

## 貴州沿公路各縣概況

六

京滇公路自清穗橋入境經密蜂坡，乾地均至縣城計程一〇六二公里，復自縣城經高寨，白崇，滾馬，槽水，至盤山頂與鎮遠縣分界計程二〇，五八公里。全境公路共長三一，二〇公里，路線盤繞山中，多起伏以自槽水，自盤山頂一段爲最。

### 四 鎮遠

鎮遠縣在貴陽東四百八十里，位澗水北岸漢爲武陵郡無陽縣地，唐置舞州，尋改獎州，元初置鎮遠沿邊溪洞討使司，後改鎮遠府，明初改州，隸湖廣省，永樂十一年仍置府，改隸貴州，清因之，民國初改縣，現爲本省第七區專員公署所在地，地當黔東門戶，依山傍水，形勢扼要，民國初年商業爲全省第一，全省貿易三分之二皆行於此嗣以兵匪頻仍，外商不至，居民之有資產者又紛紛向外遷徙，致市面蕭條不堪，二十三年河水暴漲兩岸居民備受災殃，共匪竄黔，損失尤鉅，當時市中廣廈，只須數百元，即可買得其荒涼可見。近年因地方秩序恢復，

一切漸有起色。全縣面積爲一·六〇〇方里，居民六，八六九戶，男子計一九，〇九七人，女子計一七，八八四人，共計三六，九八一八，其中壯丁共八，九七八人。城內省立鎮遠師範一所，係由前鎮遠中學改辦。學生約二三百人，惟無女生，全縣有小學十一所，計男學生五百四十三人，女生一百四十六人。農產平均每年產稻三萬餘石，玉蜀黍一萬五六千石，大小麥千餘石，桐油二千担。礦產爲煤鐵兩宗，

京滇公路自盤山頂三德分界處入境盤山繞行逐漸下降，經苦李坪，界牌溪，至兩路口，路線長約十二公里降下約七百七十餘尺復自兩路口依山傍溪經老院，箱子岩，牌坊坳至鎮遠縣城計自盤山頂至縣城長共二二·三二公里自縣城西行經文德關，桐木，白楊坪，鎮雄關至施秉縣界計程一六，三七公里，全境公路長共三八，六九公里，山路起伏，曲折繞行，須開慢車

本縣名勝古蹟如左

貴州沿公路各縣概況

貴州沿公路各縣概況

八

中元洞——亦名北洞在縣東北對岸，過大石橋（名祝聖橋）即達，（橋爲清時知府汪炳璈所建，橋中部有狀元樓，二十四年燬於共匪，橋東岸石磯有李烈鈞題刻「乾坤入鈞鈎」數字，民國七年李氏會率師過此，駐節多日，公暇輒垂釣該處）明嘉靖間，知府，黃希英祀朱文公於內，中山寺即在此，一名中河寺，訛爲中和寺，故中元洞又名中河洞，洞頂奇石林林然，下垂爲鳥獸花木之形，奇態詭狀，魑魍魅刻，每陰風自洞口回沉而來，燈光炫晃，黯乎欲滅，若神靈騎異鳥怪獸，翕羽奔會，花木扶疏，若墜若顛，洞口俯視，斷崖絕壘，深不知其所底，有瀑布兩道，挂山巔如兩白蛟鬥於峽中。

青龍洞——亦名南洞，與中元洞相連，洞中石如雲垂花簇，深二丈許，袤過之，左稍南復有戶，可俯瞰也，上泉脈二，間次滴，作月池及石盂汞之內有嘉靖二年知府黃啓英碑，又折而下，石梯旁有丙申臺使者任國爾詩碑，中有句云：「

西峽山——在城西十里，勢若重樓疊閣，有飛瀑數處挂巖端，望若煙銷，亦奇觀也。

香爐崖——在香山畔，有「泝流光」三字於崖，相傳漢武侯所題

華嚴寺——在城西三十里，深邃高廠，頂如篆煙，浮繞百折，石乳滴正中，結成大士像，蓮台華蓋，纓絡幡幢，絕相莊嚴，種種畢具，旁有石羅漢二，內黑暗，秉炬入，漸狹，風從東來，能滅炬，更入丈餘，復得空曠，雖倍加火，爲水所限不能窮，洞口懸崖，刻「西時飛來」四十字。

觀音巖——在城東十里，山高數十丈，屹立江上，其址劈分爲洞，廣一丈，袤三丈，高如之，內涵清漪，可比船而進，洞旁有竅如窗，上有石如佛像，洞頂色碧，有紋隱起如龍蛇。

紫黃閣——在城西北，石經盤旋，藤蘿掩映瀑布如練，上有小橋，登閣而望，西南諸山，宛如圖畫。

貴州沿公路各縣概況

貴州沿公路各縣概況

一〇

聖婆墓——在東瓦寨岑樓山麓，大若邱陵，墓前有知府朱桂楨碑記，後山頂有井，其泉相傳爲聖婆所鑿，故號聖婆井，旁有竹，其液如涕，相傳爲聖婆泣淚所染，故號聖婆竹。

灕陽雙柏——在城對江吉祥寺內，寺爲總督甘文焜自剝處，有古柏二，翳日摩宵，堅若鐵石，咸以爲忠烈之氣所結。

五，施秉

施秉縣在鎮遠西南六十里，唐爲瑯川縣地，屬播州，宋爲豎眼大田溪洞地，元至正二年置施秉前江等處軍民長官司明改設蠻夷長官司，正統九年改縣，清初省衛入縣，遂移縣治於衛城，明季曾設備沅巡撫於此。城外有飛機場爲二十三年修築全縣面積狹小，人口僅二一，八〇七人，全縣小學共十所，計有男生四百八十一人，女生五十四人。縣中人民性較強悍，過去時發生劫殺縣令事件，農產平均每年產稻九萬石，玉蜀黍二萬石，大小麥五六百石，桐油六百擔。鑛產有煤，

銅鹽等類。

京滇公路白鎮雄關鎮遠施秉兩縣分界處入境經鵝翅勝，劉家莊，土橋，涼風坳，甘溪，七里沖，黃董坡，望城坡，沙坪至施秉縣城計程二四，〇四公里，自施秉縣城經鼎饋坡，子舖，草塘關，乾地坪，爛橋至貴平縣界計程一七，〇一公里，全境公路長四一，〇五公里，除鵝翅勝至沙坪一段山路起伏外其餘尚平坦施秉附城汽車須過渡一次約五分鐘，該處正計劃建築正式大橋中，

本縣名勝古蹟如左：

百丈飛泉——距縣城一里，泉自岩上飛下，如白鍊數百丈，流注跨虹橋下

武侯祠——在城東北十里諸葛洞岸上，相傳武侯征蠻，鑿削此處以運糧，崖半有武侯刻像。

貴州沿公路各縣概況

## 貴州沿公路各縣概況

一二

日光關——在馬鞍山下，下有洞，洞口寬敞，其中深不可測，有水成溪，乘炬入照，儼有五色魚遊戲，以手探之，則木葉也，深入里許，有日下照，更爲異境，衛人張丹霞參禪其中，監軍顏雲漢命名日光。

### 六，黃平

黃平縣距施秉七十里，漢唐爲牂柯蠻地，宋爲猿洞地，元初改黃平府爲黃平安撫司，於司治添設黃平所以守禦之，明平播後，改黃平州，故治在今縣西北三十五里，今名老黃平，清徙州治於興隆衛，即今治，民國改州爲縣，城內有縣立中學一所，校舍宏廠爲數年前所建約有學生一百四五十人，老黃平城垣較黃平堅整，居民少於黃平，城內有縣立職業學校一所現仍續辦有學生百餘人，民國二十四年前爲舊州分縣，蕭賀共匪竄黔襲陷舊州，洗掠一空，曾去男女甚夥，現分縣治撤廢，市面較前尤爲蕭條，重安江爲黃平縣屬要鎮，商旅必經，市廛向稱繁盛鎮內有小學校電報局郵務局，每逢趕集，四鄉苗民多來此貿易，奇裝異服觸目皆



是，全縣面積計一二〇〇方里，居民爲二四，六九一戶，男子六四，六三二人，女子五八，五五四人，共計一二三，一八六人，其中壯丁爲二五，二八五人。農產平均每年產稻八萬餘石，玉蜀黍一萬餘石，大小麥二千餘石。鑛產有煤，鐵，石膏，硃砂，錒等，全縣有小學三十七所男生計一千八百二十五人，女生計四百六十二人。

京滇公路自施秉縣南界入境經茶亭坳，東坡，十里橋，五里橋至縣城計程一六，八二公里，白縣城經五里墩，燈草館，馬場街，石頭堡，榔木館，新路口，重安江，至鍾山縣界計程二二，三〇公里，全境公路長三九，一五公貴，重安江建築正式大橋正在進行中現時備有渡船汽車至此須過渡約五分鐘，

本縣名勝古蹟如左

飛雲巖——在縣城東二十，京滇公路經其下，一名東坡山，又名月譚，明王

貴州沿公路各縣概況

守仁記興隆飛雲巖，極贊之，壁立千仞，簾垂數百尺，其山頽洞玲瓏，浮者若雲霞，巨者若虹霓，豁若樓殿門闕，懸若鐘鼓徧磬，不可具狀，其下澄潭邃谷，不測之洞，環落回伏，右即月潭寺，拾級而登，仰視層崖，如蜂房燕巢，洞深黑不可究極，石乳懸竇，怪詭萬狀，石筍岫嶙，嵌空削立，軒舉若華蓋，又如萬片碧雲，垂天而下，窮秘變態，岩半立大士像，縹緲欲仙；有石橋，遠矚如虹，橋東石坊上書「黔南第一勝景」鄂文端所題也，投鞭兀坐，塵心俱盡，人境有此，雖乎名矣！

宜娘壘

在黃平縣南，世傳楊再興之妹宜娘屯兵於此。

金鳳山寺

在城南金鳳山，寺創自前明，山勢巍峨巖崑，如飛鳳凌空，首

昂青漢，山間有王道洞。

米寶寺

在黃平舊州城北二十里，建文帝曾居此，相傳大雄寶殿額爲帝手

書，旁有大石，石端有孔，米從孔溢出，以奉朝夕，帝去後，猶足以供寺僧，僧

小而鑿之，米遂止，至今其石尙存，石孔及鑿痕宛如。

馬苑——在黃平舊州東溪上，傅穎國沐黔國舊牧園也，水曲而清，溪中小石嫌其苑作深紅色，映水鮮妍，若爛熳桃花，落英蕩漾波際，經其地者，不啻誤入馬苑郎也，明時鼓臺山僧性祖，又於兩岸植桃花，州牧楊鳳翥，名之爲小桃源紫巖，鼓臺山寺——在黃平舊州城南五里鼓臺山頂，絕頂孤峯，高懸天半，中寺漁有一徑至山巔，屈曲陝峻，梯石爲磴，挽鐵索而上。

雲居山——在黃舊州城西三十里，山有叢林，竹樹蕭疏，與山谷掩映，每當宿雨初晴，嵐光掩映，如擣如海，一望蒼茫，與黃山無異。

白鷺洲——在黃平舊州城北一里，芷芳潭沙也，白鷺千百爲羣翔於上。

### 七，鑪山

鑪山縣，距黃平六十里，漢故且蘭地，元麻峽縣地，明洪武中置清平堡，旅改爲衛，於衛城置清平縣，清省縣入麻哈州，尋復置清平縣，以衛省入，民國二年改

鎮山縣，以香鑪山得名，凱里城在縣東，昔爲防苗要地，縣城內居民稀少，街市亦甚簡陋，各鄉人民甚多，計全縣居民爲一五，二五三戶，男子四七，四三七人，女子四二，八三人共計九〇，二七〇人，其中壯丁爲一八，二九〇人。縣城內有男女小學各一所，辦理尙稱認真。農產平均每年產稻十八萬石，玉蜀黍一萬石，大小麥三四百石，桐油三百餘担，鑪產有石油，鋅等類京滇公路自黃平縣界入境經老君關音山大風洞，小風洞至鎮山縣城計程一五。公里自縣城經混水塘。五里橋，落邦，至越平縣界計程八。七六公里全境路長二六。二六公里地勢平坦車行暢通

本縣名勝古蹟如左：

香鑪山——在城東三十里，立千仞，袤三千餘，里衆山環列，若戈鋌相向。

雲溪洞——在城北十五里一名大風洞，即道書峙蒼洞天也，中有蒼龍白虎，石鐘可搗，石鼓可擊八里坪，清泉涓涓流出，相傳洞中時作雷聲，少頃，怒濤盈湧，如大風至，故名洞深幽燃薪秉燭，方能入，至六七里，即一脈水雲洞天矣。

天然洞——在城北七里，一名小風洞，又名賓陽洞，明嘉靖間，都督石拜憲始開之，洞中石乳倒垂，如蓮花萬孕。

太玄亭——在縣城，明孫文恭公應鼈舊居也，城西平坦草堂，亦其舊宅。

#### 八，平越

平越縣在貴陽東一百七十里，漢故且蘭地，晉以後爲且蘭縣，南齊爲牂柯郡治，隨初爲牂州地，尋改爲牂柯郡，唐以爲驩糜州，宋入於蠻，嘉泰初，土官宋永高克服義新等寨內附，號黎峨里等寨，元置平月長官司，明置平越衛，後兼治平越民府，清初爲平越府，旋改平越衛爲縣，爲平越府治，後改縣爲興義，移屬興義府，改平越爲州民國改州爲縣，相傳竹王曾建國於此。縣城距公路十八里郡京滇公路自瀘山縣界入境經金竹哨，興隆街黃貓嶺，桑山沙子坪，羊老雞場，新街，乾把哨，鴨泥塘梅坳，馬場坪，魏家棟，大關黑塘坡，魚樑口，貓子營，酉陽，黃絲老龍坡，江西坡，沙坪至貴定縣界計程五二，六二公里

貴州沿公路各縣概況

黔桂線自乾把哨新街分支經獨山至六寨與桂省公路相啣接，

本縣名勝古蹟如左：

諸葛圃諸葛圃在城南三十里，地名馬場山，相傳諸葛亮南征，屯兵於此。中山有遺鍋，半入土內，人不能取。

疊翠山疊翠山在中越南十里，隔麻哈江，青翠插天，中有一峯名金鷄，層崖峭壁，下臨深淵，舊有小菴，又一峯以形名曰老人，胡漢征苗刻詩記其上。下有村名樂崗，居者多壽考，此山大小百峯，九十九在江外，一峯在江內。

雲霧山雲霧山在城西北四十里，連崗不斷，峭拔千尋，朝暮陰晴，雲霧蒼起，開闔動盪，變幻萬方，明崇禎中總兵胡從儀屯兵於此。

仙影巖仙影巖在平越城南二里，地名武勝關，府志石壁如屏，上有張三丰遺影，儼然畫圖明郭子章鐫「神留宇宙」四字於旁，字大徑寸。

燕子洞燕子洞在城西三里，極空而深，紫燕千百爲羣，潛藏於此，

響琴峽——響琴峽在南二十里魚梁江，兩岸削壁，江水中流，聲如鳴琴，乾

隆中吉林德隆摩崖書曰「響琴峽」，瀑布三折，飛下如雪如絮，其西即黃花塘也

葛鏡橋——葛鏡橋在城東五里，兩山側塞，岸高淵深，水勁如膠，寡見曠景

，明萬曆間里人葛建橋於其上，屢爲水圯，三建乃成，總督張鳴鶴題曰「葛鏡橋

」，「月山寺——月山寺在平越西南一里月山下，山形如月，蔡峨十景之山寺

晚鐘，謂月山也，明指揮使隆平侯張信，

高真觀——高真觀在城南福泉山上，明洪武中建，爲張三丰仙師道場層台突

起，下控曲江，後有泮仙池。天啓元年，推官李若柵葺禮斗亭，下有犀牛洞，洞

中有物如牛，傳聞明正德時，寺僧夜開洞外格鬥聲起，撞鐘失在，有頃，聞鐘聲

一路而來，且視之，上有水草，始悟夜間乃與牛鬥也，

竹王祠竹王祠在平越楊老驛，三月間香火極盛，祠祀竹王，漢武帝時，

有女浣於水濱，宥三節大竹流於女子足間，推之不去，聞有聲，持歸破之得一男

兒；後遂雄夷濮氏，竹爲姓，所捐破竹，於野成林，今竹王祠竹林是也，後唐蒙開祥柯，斬竹王首，夷獠咸怨，求爲立祠，帝許之。

九，貴定

貴定縣在貴陽東一百一十里，漢故且蘭縣地，宋置白馬安撫司，元置新添葛蠻安撫司，明置新添長官司，增置新添衛，復升爲軍民指揮使司，又置貴定縣，今縣西南四十里有貴定舊城，明時置縣於此，地名舊縣場，清康熙中始移今治，全縣面積一六·〇〇〇方里居民一八·一六〇戶，男子四一·九四貴人，女子四四·六二四人，共計八六·五六四人，其中壯丁爲八·〇〇九人。全縣有小學十七所計男生一·〇四八人，女生三九四人。城內街市尙稱整潔，郵電局均有，農產平均每年產稻六萬餘石，玉蜀黍一萬五千餘石大小麥三四千石，菸葉三千餘担，鑛產有煤鐵等類，工藝品以絲煙著名，近年外來紙煙充斥，此項土產絲煙銷路大受影響，民國二十三年湘西陳氏擬創辦紙煙廠會派人來此試驗，據云菸葉品質



甚佳可充紙煙材料。

京滇公路自平越縣界入境經谷濠關半邊街至貴定縣城計程一一·一五公里

自縣城經石門坎甘溪棕杷街新街壘城橋冒沙井安家牌坊新寨沿山舖至龍里縣界計程二八·二三公里

全境路長三九·三八公里車行暢通

本縣名勝古蹟如左：

陽寶山——陽寶山在貴定縣北十里，高可百餘丈，樹木森密，殿閣崔巍，諸峯環向，遠者如拱如衛，近者如俯如揖，登其上諸峰皆在几席上也，山常青翠，稱黔東之勝，前後兩寺，有瀑布數丈懸壁間。

牟珠洞——牟珠洞在貴定城西二十里大道旁，俗名母猪洞，明邱末實易名憑虛，清鎮遠府知府陳奕漣，復易今名，洞口石筍一株，大可數圍，矗立十餘丈，其中諸勝，皆石乳溶成，有牟尼珠塔，牟尼珠傘，龍虎獅象，巧若縷畫。其後洞

曰雷鳴，中有瀑聲如雷吼，天啓初，安邦產圖貴陽，撫臣王三善自平越赴援至母豬即是處也。

古福洞——古福洞在牟珠洞外，深四十餘里，中有大溪，水聲怒吼，昔有持炬入遊者，見蒼龍偃息溪中，鼾聲如雷，懼而返，浮圖高十六級，每級三丈餘，皆玲瓏有階可登，每級俱有瞿曇像，香爐炬台似天生成者，石鐘石鼓擊之，聲聞洞外，萬山俱響，百谷皆鳴，洞形圓長如甕。

十，龍里

龍里縣在貴陽東五十里，唐宋時爲羅甸蠻地，元置龍里州，改置平伐等處長官司，明置龍里衛，升軍民指揮使，清改衛爲縣，民國因之，全縣面積計九〇〇〇方里人口共計七二・九八五人。農產平均每年產稻二萬五千石，玉蜀黍八千石，大小麥六七千石，礦產有石油，硝磺，煤，鐵等類。

京滇公路自貴定縣入境經龍從堂龍頭營麻芝舖五里橋至龍里縣城計程一一。

七七公里

自縣城經水橋觀音山沙子崗涼水井谷脚街倪兒關至貴陽縣界計程一九·三六公里，

全境路長計三一·二三公里

本縣名勝古蹟如左：

留雲洞——在城南里許，洞中懸二石乳，叩之如鐘鼓聲，左有一石台，雲龍變幻，明郭子章題曰「雕雲」，此洞有雲溪之朗，而奇石怪壁，非雲溪所有；有天然之巧，而高明洞燭，非天然可伴。（按雲溪天然兩洞名）

呼應泉——在龍里縣南五十里，呼之水輒湧出，百呼百應，俗名呼應泉。

十一， 貴陽

貴陽縣爲省會所在，當四達之郊，控百蠻之會，自明隆慶時，移程番府於今縣城，始名貴陽，府治也，清順治二十六年，廢貴州貴前二衛，改置貴筑縣，與

貴州沿公路各縣概況

新貴同爲附郭縣；二十四年，省新貴入貴筑。民國三年，遵通令廢府，改貴陽縣。重崗複嶺，最爲奧衍，舊有兩城，老城在南，據南明河北岸，即洪武五年所築宣慰司城也；新城在北，緊接老城北面，數年前已將隔離兩城間之城垣撤開，闢爲通衢矣，貴陽市面積自極南端之大南門起至極北端之六廣門止相距約八里，環城約二十餘里，居民三三一〇〇戶，男子九〇、四六三人，女子八四、六三六八，共計一七五、〇九九人其中壯丁計三三、六九九人農產平均每年產稻二十萬石，玉蜀黍九萬石，大小麥七八百石，鑛產爲煤鐵硃砂，水晶，硫磺，銅，錫等類，工藝品以火柴，南明酒，與日用化粧品著稱，（全市詳情可參閱本會編印之「貴陽市素描」）

京滇公路自龍里縣界入境經黃泥甯二堡街龍洞堡圖雲關至貴陽縣城計程一七〇。四五公里自縣城經三橋新街狗場至毛栗山（清鎮縣界）計程二二二。十六公里。全境路長四一。二一公里半坦暢通車輛。

本市名勝古蹟如左：

貴山在——貴陽城北五里，一名貴人峯，貴州之名以此，山麓有九十九泉。

黔靈山——去西郭三里，一峰蜿蜒，從西北來，爲杖鉞峰；曰足一折，爲檀

山澗；中峰轟之，即黔靈正峰也，盤屈而上，或數步一折，或數十步一折，樹出石隙，濃陰障天，人行其間，巾履皆碧，清風忽來，幽籟徐起，山鳥上下引吭，共作百種聲，幽寂之趣，殆不知此身尙在塵世，如是者數十折，山半爲古佛洞，上清布政使陳德榮建一亭，亭畔有池，楊柳泉在焉，入山口，則本山宏福寺也，寺門左有一亭，題曰亦雲樓，清糧道伊湯安建，寺北一小徑，可通樵牧，即大羅木村，村前有溪抱山後，折而東轉，有岫參天，昂藏回首，乃獅子岩也；巖下有洞，名檀山，自寶塔峰石特起一嶺，自南而東，綿緜內向，與獅子巖對峙如雙闕者，象王嶺也，寺乃赤松和尚創建。

東山——在貴陽城東一里，一名棲霞，翠巘崔巍，琳宮縹緲，溪山闌闊，一

覽可盡，明嘉靖間建寺，崇禎二年重修，康熙二十四年增修，舊有關聖殿三楹，歲久就圯，嘉慶十六年改建，道光二十年添建奎閣，左度右脊，更有廟五楹，俯臨峭壁，旁一亭銳出巖唇，亭下有洞，山坳有培風亭，山半有振衣亭，（即小魯亭舊址）繞廊西行，入大士洞，登捨身岩，穿紫竹徑，西升傑閣，萬家歷歷在目，石壁題君山讀書處五字，那人楊大賓遺跡也，今山頂有高會亭，民國中建。

銅鼓山——在貴陽城東二里，山半舊爲來仙洞，今有寺稱仙人洞，高百餘仞，每陰雨，山腰空洞中有聲若銅鼓，俗傳諸葛亮藏銅鼓於此。

水口寺在貴陽東北數里，地幽僻，游者不恆至，秋水平橋，春蕪繞岸，吟賞絕佳處也，寺舊有樓，不得要領，且將圯，郡守葺而新之，既落成，觴客於此，適甘澍盈尺，大慰農望，遂以喜雨榜焉。

船石——在銅鼓巖下，在會城東二里，下爲牛渡潭，船石橫其側，長可數丈，儼然一葉之舟，泝流而泊，登之可以命酒，俗呼龍船石。

相寶山——在城東北一里，俗名照壁山，又名平高峰，排雲列障，儼若翠屏，愛有屏山寺，明崇禎九年建，上有大銅鏡一，相傳舊時能照見人前世，今墨墨如上矣。

扶風山——在東門外，本名螺絲山，乾隆五十九年改今名，秀峯鵠立，石骨螺旋，中爲扶風山寺，寺內建倉聖樓，字塚，左爲王陽明祠，右爲尹道真祠，山半有亭曰環翠，可以小憩：下有馴翠亭，至曇雲精舍，則三面之山，青接肩睫，絕佳處也。

南嶽山——一名長連壽山，去城三里，上有仰天坪，古柏虬松，窈然深秀，上有紅樹一株，大可五丈圍，由石坊至南嶽山寺門，五峯廻合，松篁夾徑，前爲關聖殿，正殿祀南嶽之神，後殿祀佛，佛旁有池，池南三楹，爲遊人憩息之所。

獅子山——去城二里，土山載石，壯如獅子，明穎川侯傅友德駐兵於此。

觀音洞——在城南，山半有寺，寺內有洞，甚幽邃，山陰陳鼎云：「洞深五百餘里，從洞中行，乘七日炬可達都勻境，從來少人窮其穴者，明有直指方君，曾

盡遊焉，余有好奇之癖，因具十日炬，裹一旬糧而入，初數里甚宏敞，愈入愈窄，止可容身，若是者十餘里及後愈窄，側身以行者三里，三里之外，則可馳五馬駕高軒矣。中有樓台殿閣人物花草之景，皆碧乳融成者也，至七十里，舉炬四照，則無涯矣，因循石壁以行，壁之畔有泉一泓，甘香如醴，泉之畔有銅釜一，可容十升，壁上有題句云：「隆慶三年，錢塘方紹宗於此煮泉」，筆墨淋漓，字畫遒勁，大可愛，是蓋直指公所書也，余亦續題云：「康熙十年，江陰人陳鼎亦於此煮泉」，行十餘里，則不復曠蕩矣，竟行九日半，始得達後口，乃都勻府之東盡境空麻地方，再五里則苗蠻中矣，」

雪涯洞——在貴陽次南門外，俗名薛家洞，深廣不過二丈，以在省會，且去郭近，游人多，故其名者，洞中塑大佛，洞上爲來仙閣，有呂仙石像，旁有堂有軒，春秋佳日，爲嘉賓燕樂之地，下臨南明河，桑蔭夾岸，灘聲遠聞，時有短舫穿艇，採魚煙水，憑欄靜眺，令人有江湖之思，呂祖殿後建陳公祠三楹祀布政使陳德



榮，有碑記，按今爲貴陽師範學校，其後即丁文誠公祠。

朝陽洞——在城南二里，爽壇可供遊覽，下有龍泉洞，中懸巖滴乳，間有青綠，綴於石上，洞幽深四十餘里，秉三日炬，則盡其勝矣，

白龍洞——在貴陽城西北十五里，巖石玲瓏，備極雲異，入數十丈，漸幽暗，非秉燭不得前，中有潭水，駕竹而渡，石筍數莖，叩之鏗然若鐘磬，附近有珠泉，分六七道而出，纍纍如貫珠。

瀉玉洞——在貴陽城北四十里，地名龍窩，洞門林木幽秀，其中石有如人立者，獸蹲着，筍筍者，花綻者，石乳石牀，井竈俱備，洞口有泉外瀉，幾於匡廬瀑布。

甲秀樓——在貴陽城南，下臨涵碧潭，潭上有釣鼈，磯上即甲秀樓，樓前立鐵柱  
二：一爲雍正十年總督鄂爾泰開古州新疆時建；一爲嘉慶二年總督勒保平興義苗時建，下爲芳杜洲，前駕浮玉橋，橋上有涵碧亭，其旁觀音寺爲武侯祠舊址改建

寺內有千佛銅塔一座，高卅九尺，又有翠微閣三間，騷人遊客，題詠頗多，琳宮璀璨，雲木蕭疏，煙窗水嶼，頗踞一郡之勝，對岸即武侯祠。

聖泉——在城西八里黔靈山後，一名百益，一名漏鈞，自山麓湧出，晝夜百益爲竭，應刻漏之數，似有橐籥，莫測其端，明鎮遠侯顧成盤石爲池，覆以亭，池中立一石以驗消長，亭今廢，俗呼百刻泉，弇州錄名方刻泉。

觀風臺——在貴陽城南里許，明萬曆間巡按華三才建亭其上，以鎮水口，一名觀象臺。

夢草池——在西城隅崔家坡頂，邦人吳子騏別墅，有池大數畝曰夢草，取謝靈運夢中詩春草池塘之句以名，地旁有紫泉，爲前明吳紫泉所居，紫泉名中蕃，字滋大，即吳子騏子，著有敝帚集，清順治十六年改建臬署，今其地改爲公園，游屐尤甚。

待歸草堂——在貴陽城北隅堰塘坎唐宅，按即唐園道光二十七年唐樹義將自湖北

布政使任告歸時所建以自居者，其子炯重加修葺，園林清幽，爲黔垣最，夢硯齋即在其旁。

三元宮——在貴陽西門外，前臨大河，後負城垣，重樓傑垣，風景清幽，當風和日暖之時，遊人多集於此，現指定爲新生活俱樂部地址。

桐莖書屋——在城南七十里騎龍司板橋山下，爲郡人周桐先生故居，西庵亦在宅

狀元莊——狀元莊在城北四十里陞官堡，光緒十二年丙戌，雲貴總督岑毓英，貴州巡撫潘蔚，以郡人趙以炯新授殿撰，爲黔人大魁之始，乃修莊宅於城北陞官堡，名之曰狀元莊，見李元度所撰碑記。

## 西路

### 一，清鎮

清鎮在貴陽西四十里，唐宋時爲拘磨蠻地，元爲貴州宣慰司地，明置威清衛

貴州沿公路各縣概況

，又置鎮西衛及赫威武二守禦所，清改縣，以衛所附入之，全境面積計四，五〇〇方里，居民二七，一七八戶，男子七三，〇五七人，女子六九，一二三人，共計一四二，一七九人，其中壯丁二七，九五二人。農產平均每年產稻二十萬石，玉蜀黍九萬石，大小麥七八百石，鑛產有煤，鐵，硃砂，水晶，硫磺，銅，錒等類。

京滇公路自毛寨山入境經東門橋，清鎮縣，西成橋至珙璠壩入平壩縣境計程二一，六四公里

本縣名勝古蹟如左：

雲龍洞——在清鎮西南十里，舊名涼傘洞，又名華蓋洞，其上有氣氤氳，望之若雲，變幻萬狀，中有石傘爲巖乳結成，旁有流泉，味極清涼，相傳明建文帝南遊曾憩此。

玉冠山——在清鎮城西南六十里，高約七十餘丈，形似道人冠，三面巉崖壁立，

勢同刀削，山腰寬廣，可容千人，左右危峯抱環，小徑可通，昔安奠之變，據此以爲天險。

## 二，平壩

平壩縣在清鎮西六十里，安順東七十里，元爲金竹府地，明置平壩衛，又置柔遠守禦。清改平壩衛爲安平縣，而以柔遠所附入，民國政令名，全縣居民一八一三一戶，男子五〇，七九九人，女子四七，六三八人，共計九八，四三七人。其中壯丁一八，九四八人。農產平均每年產稻二萬石，玉蜀黍三千石，大小麥三萬石，鑛產爲煤，鐵等類。

京滇公路自清鎮縣界珙塘壩入境經下雲關平壩縣沙子哨，天籠鎮至安順縣界計程二四，五〇公里。

本縣名勝古蹟如左：

洛陽洞——在平壩縣東十五里洛陽河側，溪中有兩石穴，方圍十餘丈，天成

欄楯，若並蹙然，每春雨漲時，蘋藻曳青，雲嵐滴翠，魚躍出楯口，如龍門暴腮然，

龍打鼓洞——在平壩城東梯子洞後，高山攢疊，忽展雲坪，一逕紆環，備極險巖，半山石壁間，有門如砌，限闕宛然，下行數步，勿宏敞如堂室，門左有一穴，湫水注焉，碧濺隱深，真可底極，相傳有靈物在內，當春夏旱時，常有鼓聲逢逢，或入音具奏，或進或出，或響或沉，或起或滅，或遠或近，數十年始得一聞，龍鳳寺——在平壩縣龍鳳山上，山在城南五里黑石頭，迴峯四合，秀水雙灣，山半有袈裟巖，寺建後山絕頂，一閣祀建文皇帝，石徑紆迴，中多茂竹奇石，縣令陳嘉祚鑄城南第一山「五字於石，

高峯山——在平壩城東五十里後六長壩壠，山形如方几，四壁如城，高二里，周圍五里，有玉屏石立道旁，高二十餘丈，上鑿「玉屏」二字，有盤龍石，長四五丈，盤旋如龍，有面壁崖高三十餘丈，上鑿「西來面壁」四字，柏幹參天，溪流

繞砌，山霧早收，林鴉晚噪，徘徊諸石之間，異趣頓生，相傳明建文帝雲遊於此，山多虎害，自立利後，虎乃潛逸，

天臺寺——在平壩城南二十里飯籠舖天臺山上，亂雲斷石中，特起孤峰，儼若百丈金莖，石壁嶙峋，危磴接雲，又如鷲嶺之高鶩，層樓之飛鷲，

玉螺山舍——在平壩縣南，康熙間，邑人陳祥士自京職解組歸，居玉螺山，閉關沉寂，不與世通，後其孫浩復加修葺，定齋先生爲之記，

### 三，安順

安順縣在貴陽西南一百九十二里，爲秦漢之夜郎國地，宋爲普里部，元置普定路，尋改府，明置普定衛，後添設安順府，清仍之，移貴州提督駐此，以資拱衛，民國二年改縣，肘腋會城，襟帶山川，雄藩重鎮，黔西一重要市場也現爲第二區專員所在地，城內有中央農民兩銀行分行及郵電局教育亦較發達，城內有省立初中縣立女中及民衆教育館等，全縣有小學及初級小學三十八所，男生共二，

貴州沿公路各縣概況

三六

三三女生。九四八人。全縣面積爲一一，〇〇〇方里。居民三八，一六三戶。男子一一八，七二四人，女子一〇八，〇七五人，共計二二六，七九九人。其中壯丁許四〇，四三二人。農產平均每年產稻二十五萬石，玉蜀黍三萬石，大小麥二千餘担，鴉片三千餘担，雞踪菌爲此間特產。味鮮美。惟產量未詳，鑛產有煤鐵等類。工藝品以剪刀，葶薺粉，鐵器，雞踪醬油，白葡萄酒，月琴，棉織器爲最著名。

京滇公路自天龍嶺入境。經石板房，帶子街，涼水井，安順縣城，楊家橋，么舖至鎮遠寧縣。共計程四一，六一公里。

本縣名勝古蹟如左：

西秀山

西秀山在安順縣西，郭子章黔記謂一名石蓮峯，與東勝龍虎對峙。

鯉魚石



鯉魚石在城東四里，長丈餘，石形似魚，頭尾畢肖。

### 水雲洞

水雲洞在安順城南十里，洞高十餘丈，中平曠可容千餘人，旁有潭水下注，西有一丈竅，日光穿射，備有紅黃黑白諸色。西南隅一石直立若觀音，東北有石蓮花，形容種種，西北特出一石柱，龍鱗櫛比，人稱爲石龍，蓋石髓淋漓，積久所致。

### 圓通寺

圓通寺在城南，後有石塔，元至元十一年建，後燬重修，刷石爲柱，長三丈餘，後多古柏，內有大佛像三尊，明初沐國公所供。

### 石佛寺

石佛寺在城東時家屯大路旁，有石佛在洞中，相傳元時飛來，居民設寺祀之。

### 飛虹山寺

飛虹山寺在城東五里飛虹山上，山勢如長虹垂地，傳明建文帝往來滇黔，常遊其

### 貴州沿公路各縣概況

貴州沿公略各縣概況

二三八

上，所盤桓地，有懸巖名臥龍處，夏月無蠅蚋。

金鐘山寺

金鐘山寺在城東門外一里金鐘山上，又稱團山，古刹清幽，叢林掩映，山半有化龍泉，洗心泉；山左塔，塔前有桂花亭，桂樹連蟻；道光二十八年，太守胡林翼捐資令寺僧開石壁爲窗櫺，近對城郭，烟火萬家；遠擲峯巒，雲山四壁，

華嚴洞

華嚴洞在城南五里，山高二里，山以洞傳，爲城南勝景，有厨泉，有穿石流泉二，有羅漢洞，有神仙洞，有天蓬石，石覆洞頂，一名脚蟬，有將軍石，盤陀石，有響石叩之則鳴，又有荔枝石，形如荔枝

四，鎮寧

鎮寧縣在安順西五十里，古荒服地，唐漢宋爲牂柯羅甸國地，元置鎮寧州，明遷治安莊衛城，清因之，省衛入州，民國改州爲縣，全境，面積四，九八〇方里

，人口共八〇，一四七人。農產平均每年產稻七萬石，玉蜀麥四萬石，大小麥千餘担，鴉片千餘擔。鑛產有煤，鐵等類，工藝品以「波波糖」著稱。

京滇公路自安順么舖入境經大小哨鎮甯縣安莊坡主黃菓樹計程二九，一〇公里

本縣名勝古蹟如左：

白水河瀑布——白水河在鎮寧南三十里流入關嶺界，石磴中橫，急湍層疊折入；西去過白虹橋，聲入奔雷，對面瀑布於懸崖數仞上，怒濤噴湧，雪練飛洒，形若劈絮，勢如翻棉，細似株簾，粗比冰柱，聯貫絡繹，萬斛傾倒而下注；犀牛潭水，輕紋漾錄，寂然不動，上下相激，成烟飛霧結之象，殊不可解，昔人謂勝廬山雁蕩，對岸石壁題「雪映川霞」四字，旁有碑記，爲秦王磨作，

海子山寺在鎮寧城北中九枝小高堡南，周圍四里五，水漲時八九里，海中有山，挺然特立，山頂有梵刹殿宇，圍構於小山頂上，海水四面環抱，有小橋徑渡半山

貴州沿公路各縣概況

，有朝陽洞，石壁上現僧影，鬚眉畢具；又一石室，上鐫「天然開闢流傳萬古」八字；山上爲朝陽寺，東隅有龍洞廣數十丈。

雙明洞——在鎮寧城西五里，又名玄雲洞，一名太極洞，以其上圓下方也，懸巖怪壁，高數十丈，具獅象鐘鼓等形，台上供觀音像，雕十八羅漢，二峭壁塑一童子，懸柱半空，作折腰下拜狀，

五、關嶺

關嶺縣在安順西一百四十里，漢唐爲牂柯地，元置永寧州，後廢明仍置永寧州，清因之，民國改爲關嶺縣，以關索嶺得名，縣治設於關嶺場關嶺場爲關嶺縣屬之市鎮商旅必經市內設有郵電局（此地原名募役，現將募役移於永寧州）舊路由關嶺赴興仁須通花江河鐵索橋，山高流急，備極險要。全縣面積五，四〇〇方里，人口共七一，一八七人，農產平均每年產稻三萬餘石，玉蜀黍二萬石，大小麥三千餘石，鑛產有鐵，硫磺，煤，硃砂，雄黃等類。

京滇公路自黃菓樹入境經大山嶺關嶺場永寧州，黃土塘，漸舖至安南縣界計程七  
六，五五公里，

本縣名勝古蹟如左

紅巖山——在關嶺西北八十里，山岬有洞，深廣數十丈，四面懸崖，壁立萬仞，  
爲東西一氣可登；上有諸葛營，崖上見紅花如雨，則其年必有瘴癘，後山上有紅  
巖刻石，凡四十許字，若圖五嶽形，若鼎鐘糾結銘劃，若雜寫物象，土人皆稱諸  
葛碑，武威張澍指爲高宗伐鬼方紀功之刻，莫友芝謂爲三危禹蹟，

曬甲山 即紅巖後一山，崖巍百丈，山頭橫亘一字，俗傳武侯南徵，曬甲於此  
，早晚出雲氣必雨，居人以之卜晴雨，無不應，

雞公背山 在城東四十里，舊爲滇黔大道，山脊爲雞背，險峻難登；山岬有石  
雞常鳴，後爲人取去，其蹟尙存，前貴州省主席周西成與李小炎戰陣亡於此現該  
地有周西成衣冠墓，

貴州沿公路各縣概況

四二

留節洞——在關嶺西南十餘里，石乳凝結，狀若盤龍；上有字如蚪斗，中有石塔，疊左右出房，天然不假椎鑿。昔有節婦避難其中，遇賊不屈死，因名。

妙明洞——在關嶺城西北三十里，從關嶺北行，歷落數峯，青翠欲滴，洞中軒闊若城垣，危磴；梯而上數十武，有石平廣可羅拜，祀大士於巔，而右儼然長廊大廈，懸幔流蘇，靡不畢具，有白崖若龜龍，鱗甲生動，乃積溜所成，昔人勒字曰「神龜玉液」，許學使乃普題「黔南第一洞天」。

關索嶺——在關嶺東三十里，爲黔山峻險第一，路如之字，盤折而上，山半有壯繆祠，即龍泉寺；中有馬跑泉，甘碧可飲，相傳壯繆少子索用槍刺出者；寺內大竹千竿，青蔥可愛，；外道旁有啞泉，今已閉竭，曰互古啞泉；西顯即順忠王索祠，鐵槍一枝，重百餘斤，以鎮山門，索俗謂關壯繆第三子，從諸葛丞相南征孟獲，威勛甚盛，沒而民思之，立廟於此，以其名名嶺。

壩陵橋——在關嶺城東二十五里，一名關索橋，又名八里橋，橋左右各植黃果樹。

，蓋千百年物，老幹暢茂，可蔭行客；且盤根橋面及磴道上，曲屈如；龍，騎橋  
雙樹爲；城八景之一，

望水亭——在關嶺東六十八里，即關嶺鎮寧交界處，可眺白水河瀑布之勝，

### 六，安南

安南縣，元爲普安路地，明洪武十七年置尾洒驛，二十三年設安南衛，清改  
安南縣，全縣居民八，六四一戶，男子二五，八六二人，女子二五，三九二人共  
計五一，二五四人。其中壯丁爲一〇，三四六人。全縣小學九所男生五四〇人女  
生一八一一人。農產平均每年產稻萬餘石，玉蜀黍二萬石，大小麥二十餘石，鑛產  
有鉛，錫，鐵，銅煤等類。

京滇公路自關嶺；之新鋪入境經鐵索橋半坡塘，涼水營，哈馬莊，安南；，半關  
，沙嶺至小盤江（普安縣界）計程五一，一九公里，

本縣名勝古蹟如左

貴州沿公路各縣概況

白基山——在縣西三十二里，一名白駒山，白鴉關綿亙至江兩坡河，山勢嵯峨，旁有峭壁，蒼翠如屏，相傳上有白駒，見歲大豐，

白石崖——在縣西南五里，峭壁千仞，飛瀑自天而下，夏月過此，寒氣侵肌骨。

朝陽洞——在安南西南一里，岩巒高聳，林箐茂密，日出則光先照，有泉出石隙中，澄澈如練，洞中有仙奕石，

鐵索橋——在安南縣東四十里爲入滇孔道，明天崇間安普副使朱家民建，冶鐵爲繩三十有六，長數百丈，貫兩崖之石而懸之，覆以板，類於蜀之棧，施欄楯，幃板屋，塗丹艷，梵宇琳宮，鱗次崖左右，輝煌掩映，如小李將軍圖畫，

七·普安

普安縣，明爲馬乃夷地，清順治十八年馬乃叛，討平之，以其地設普安縣，

康熙二十二年；徙縣治於新興所，全縣面積一，五〇〇方；人口共六〇，八二七人。農產平均每年產稻一萬八九千石，玉蜀黍二萬五千餘縣，大小麥三千餘石，



鑛產有煤，鉛，銅，玉黍等類，

京滇公路自小盤江入境經江西坡紅花灣；蕉關大橋河普安縣至三板橋（盤縣界）計程三八；六八公縣，

### 八，盤縣

盤縣，爲蜀漢興古郡治，唐置盤州，元設普安路總管府，明置普安府，後改州，促治普安衛城，清初省衛入州，嘉慶中改爲普安直隸廳，宣統中降爲盤州廳，民國初改今縣，該縣文風素著，全縣面積二，四〇〇六里，居民三六，二九二戶，男子一二二，五八三人，女子一一二，三五〇人共計二三四，九三三人。其中壯丁三三，〇八八人。農產平均每年產稻四萬餘石，玉蜀黍六萬石，大小麥七八千石，鑛產爲鉛，煤，鐵，；油，銅等類。

京滇公路自三板橋入境經鸚鵡寺，舊普安盤縣水草坪，華家屯，亦資孔，平彝所至勝境關入滇境計程一〇五，三〇公里，

本縣名勝古蹟如左

老鷹岩——在盤縣城東百餘里，入滇孔道也，盤壑而上，西南一峰，上千雲霄，如老鷹展翅，翱翔天外，愈轉愈峻，雲氣莽漾，僕從雖數十武即不復見；所過竹樹青紅，石林空嵌，景益奇，

碧雲洞——在盤縣城南三里，一名玉陽洞，懸崖怪石，外狹內寬，石屏當門，光潤如玉；再進則巨浪排空；驚濤湧地，一溪橫流，聲如擊筑，綠崖出洞，則在峰頂，俯視萬山，竟同邱垤，

護國寺——在城南三十里丹霞山，孤峰接漢，時有霞氣作鸞鶴形，乾隆二十三年，雷擊石壁，作「天北丹山」四字，大如碗，字畫奇詭難辨，

石虬亭——在盤縣西滇黔交界處，柏樹甚巨，而葱鬱如盤，亭前天生石虬兩條，蜿蜒似活，行抵滇南勝境，即入雲南界，道左有大木坊書「忠孚化成」四字，爲鄂西林相立祠，

一，修文

修文縣在貴陽北五十里，宋名乾壩龍場，元爲水西安氏地，明崇禎三年，安氏獻地贖罪，設敷勇衛及修文四所，清康熙時改衛爲縣，省修文，濯靈，息烽，于襄因所入縣，農產平均每年產稻十萬餘石，玉蜀黍三萬餘石，大小麥一萬餘石，鑛產有煤，鐵，水銀，鉛等類。

黔川幹線自貴陽縣入境經扎佐狗場至息烽界計程二二·四六公里  
本縣名勝古蹟如左：

三潮水寺——在修文縣城北五里，明總兵王國正建，崇禎末，四川巡按錢卹芭隱於此，更名知非庵。

陽明洞——在修文縣城東南龍崗山上，明王守仁謫居龍場，遊息其中，石上鐫有「陽明玩易窩」五字，洞口有「陽明小洞」四字，洞中爽朗軒豁，可坐百餘人，

貴州沿公路各縣概況

旁有何陋軒君子亭舊址，道光二十六年，巡撫喬用遷令知縣許大綸刻文成公著作於石，嵌之祠內。

二、息烽

息烽縣在貴陽北一百里，明末置息烽千戶所，清省入修文，沿移其地爲息烽城，民國並貴筑入貴陽府，又改貴陽府爲縣，移貴筑縣治扎佐，復移治息烽，旋改爲縣，地當遵義入省孔道，四川入黔之咽喉，爲控扼要塞，農產平均，每年旋稻六萬石，玉蜀黍一萬二千石，大小麥七千餘石，鑛產有煤，硫磺，水銀，鐵，銅，銀等類。

黔川幹線自息烽縣入境經梨園哨新街息烽縣盤脚營黑神廟養龍站至烏江（遵義縣界）計程五一·四五公里

本縣名勝古蹟如左

西望山——在息烽西十餘里，與南望山對峙，盤亘百餘里，山巔有鳳凰池，闊可

里許，前有三峯曰翠屏，目游、英若，皆壁立萬仞，蒼松虺結，而目游更奇峭，有石筍數株，高插天際，又有盤陀石踞絕險處，上平下削，高二丈餘，去石數百武曰模羅峯，尤險峻，探奇者捫蘿而上，左有小澗，水落懸巖間，輒成飛練，澗之左有雙石如柱，拔地而起，高數十丈曰天門，上有華嚴，鳳池，塔院，瞿曇四寺。

### 三、遵義

遵義縣在貴陽北二百八十里，爲漢甓縣地，唐置播州都督府，旋爲楊氏所據，傳二十九世，八百餘年，至明萬曆中，楊應龍恃險爲亂，竭三省力克之，置爲遵義府，屬四川省，清雍正五年改隸貴州，民國初廢府留縣，有新舊兩城。據湘江上游穆家川，洵川黔間一都會也，現爲行政專員所在地，自公路暢通後市面日形發達城內有郵電局及農民銀行分行，市面流通滙票每月在百萬左右，教育爲黔北冠城內有省立師範一所縣立女子中學一所學生各數百人，近年師範學校實行軍

貴州沿公路各縣概況

五〇

事管理學風甚爲嚴肅。全縣有小學五十四所男生共三、七六七人女生共一、四四九人。全縣居民八七、四四六戶，男子二七四，九四二人，女子二五三，三九〇人，共計五二八，三三二人，其中壯丁計九一，八二一人，農產平均每年產稻五十二萬石，玉蜀黍四萬石，大小麥七萬石，鑛產有硝磺，陶土，煤，鐵等類，工藝品以府綢，油綢，油布著稱。

黔川幹線自烏江息烽縣界起經老君關刀靶水螺絲堰板凳桂花橋遵義縣城板橋至婁山關（遵義桐梓兩縣界）計程一〇〇，三〇公里

本縣名勝古蹟如左：

龍山——在遵義城北，有寺，郡之主山也。今稱大龍山，有二井：一在山頂，一在山腹，皆曰躍龍井，二井相通，冬溫夏涼

小龍山——在城北二里，與大龍對岸峙，左麓爲鯉魚田，田上小井常不涸，主者鑿大之，二鯉飛出而井源竭，因名，雜花連天，佳禽四飛，雕雲綉闥，錯落煙杪

筆花峯——在城東二里，鳳山行至此，突而爲峯，下瞰江流，七曲迴抱，煙嵐四湧，諸山皆朝。

紅花崗——在城東南一里，峻削臨湘水，當日落未落，晚風搖江，踞石四顧，吳橋爭渡，染桁收紅，萬室鱗鱗，夕嵐無盡，究城郭之盛觀，每徘徊不忍去！

子午山——在道義水牛山東一里，如堂如防，窈然高秀；其前小鬢照池，陰眉陽額，一泉出額下，絕甘冽冽藻縞溪自山北十里許，積澗成流經其下，綠山回轉，入樂安江，鄭子尹先生母墓即在此，旁建有望山堂，後燬。

雲門壑——在城東南百里，高百餘丈，兩山合頂如駕橋，其下亂石林立，樂安水繞，石縫中噴白虹綠，二百步會涓水，常其觸窺衝擁，雲戰雪鬪，聲聞數里。

桃源洞——在湘山北，喬柯離立，蔚然蒼潤，山麓石囊幽通南口轟石，闌如蓮花幢，中廣丈許，高下多古刻，行數十武，出北口，天成圓壑，奇石羅絡，其上有

謫仙樓，即懷白亭，嘉慶丁卯郡守趙邁律建，其旁有石刻曰「太白聞鶯處」，翠微煙靄，頗具勝概。

碧雲亭——在城西十里，碧雲峯有四峯並峙，中一峯迴出，色碧如雲，碧泉在麓，其水澄碧。

青田山廬——在城東八十里，距望山堂三里，巖壑幽曲，林木蒼蔚，爲邵亭先生故居

夷牢亭——在城東八十里，平疇衍迤，與目際會，炊烟縈帶，墟落如畫，拙尊園當其北，黎蕪齋先生故居也。

湘山寺——在城東二里，卜有大德護國寺，山怪石礪礪，面湘一帶，石尤蒼瘦，古木千章，清陰夾徑，幽風徐引，綠塵細霏，炎天坐臥其間，日影碎金，時間鳥語，人境俱遷，恍然世外也，郡守趙邁律易寺名雙泉禪院。

禹門寺——在城東七十里，山周四五里，其西喬林壁立，樂安江經其下，黛回潭一



碧，環山而東，咸向兵亂，嘗築寨於此禦賊，光緒甲午，黎莼齋重修，梵宇瓊宮，崇樓傑閣，甲於全境，已未，復爲火燬，惟鄭莫兩徵君題詠，鐫之石壁，猶得摩於荒煙落照之中。

#### 四，桐梓

桐梓縣在遵義北一百二十里，漢牂柯郡地，後沒於蠻，唐開山洞置夜郎縣，宋復沒於蠻，後仍設夜郎縣，尋廢，明置桐梓驛，後改驛置縣桐梓河逆流（由東向西）九十餘里因河身狹猛下流復經一山麓水洞，致時有汎濫之虞，該縣爲前主席周西成氏原籍周墓卜於城中豐碑屹立，備極雄壯，城內有縣立初級中學一所，全縣有小學十七所，男生共一，八〇八人，女生三〇三人，全境面積六〇〇〇，方里居民三五，〇五二戶，人口共二〇四，八七四人，其中壯丁一七，三三二人，農產平均每年產稻二十五萬餘石，玉蜀黍二萬石，大小麥六萬餘石，礦產有煤，鐵，鉛，硝，硫磺等類。松坎爲縣屬要鎮，市面向稱繁盛。

#### 貴州沿公路各縣概況

黔川幹線自婁山關入境，經南溪，紅花園，桐梓縣城，楚米鋪，涼風埡，山陂，新站，松坎至崇溪河，省界計程一〇〇，五七公里。自涼風埡至山陂路線，經花秋坪高山，坡度起伏，行車艱險，現改修新線，自涼風埡沿山直下，沿溪逕接山坡，避免花秋坪高山，路線較爲平坦，現正在建築中。

本縣名勝古蹟如左：

葫蘆洞——在桐梓城五里，洞門高聳，平闊清幽，內分三層，石似龍盤，鱗爪宛然，明邑令鐫洞口曰「天外賞」。明大學士王應熊書「北顧巖」三字。

天門洞——在桐梓城東五里天橋，奇形詭狀，爲諸洞冠，天橋在魁崖，崖口圓如月痕，兩旁屹立似柱，上懸石佛，水出洞門，如銀虹雪浪。

金鳳山寺——在城南三十里，明景定間建，康修丙子後，屢修拓，規模宏濶，左右蓮池，清幽軒爽，爲諸廟冠。

## 一、都勻

都勻縣在貴陽東南三百里，漢屬故且蘭地，五代晉時爲都雲蠻部。元設都勻府。明初改衛，屬四川，永樂間，改隸貴州，宏治中置都勻府。清初改衛爲縣，光緒中移縣於府南平舟。民國初改縣。據沅江正源之上游，爲黔南藩籬，明儒張獅鄒元標先後謫戍，講學於此。城內有省立師範一所爲以前都勻中學改辦，學生六七百人模規畢具爲南路中等學校之著有成績者，此外尚有縣立女中一所，全縣小學校共三十餘所，男學生一，八一二人，女生四三三人。全縣居民二〇，四二五戶，人口共一〇三，一五九人，其中壯丁一二，八〇四人。農產平均每年產稻二十六萬石，王蜀黍三萬餘石，大小麥二萬餘石，鑛產有煤，鐵，鉛等類，工藝品以棉，紙，青布著稱。

黔桂公路由平越甘巴峭入境，經麻江屬之陸家橋到縣城，又由縣城經墨冲到獨山，因本路現係商營，各地間之公里計算尙不精確，舊時里程爲甘巴峭至都勻

貴州沿公路各縣概況

五六

一百里，都勻至獨山一百二十里。

本縣名勝古蹟如左：

紅葉山——在都勻城內，山左石壁，明給事馬平張狝草書「仁智之情，動靜之理，棲此盤谷，飲此泉水。」二十八字，字大盈尺，民國三年，知事孫嗣燧建鶴戲亭覆之摩崖石；清康熙中，知府黎際幬書「曰動曰靜，理本一致，仁得爲仁，智得爲智，動靜兩忘，不知何視！山書水窮，了了大義。」三十二字。

東山——在都勻城東，巍峨直立，氣象端嚴，劍河前繞，諸山羅列，爲都勻鎮山，城依山立，左右雉蝶如雁翅。

讀書巖——在城西南四十里牛圈山，高可百丈，巖畔翠竹蒼松，四時蒼蔚，擺旋河繞其北，擺標河環其東，有穴可容十餘人，嘉慶間邑人陳可聚讀書其中，因名。

魚王石——在都勻城北河中，每春夏中漲，魚皆溯流朝之，遂亦不去。

永歷王墓——在城東二十五里，或謂非永歷王骸，乃衣冠墓也。

## 二、獨山

獨山縣在都勻西南一百二十里，漢牂柯地。元置獨山州長官司。明改爲九名九名獨山州，清因之。民國改州爲縣，密邇桂境，爲邊幅要地，現爲第八區行政專員所在地。城內有縣立職業學校一所，全縣居民三〇，七七四戶，人口二〇四，八七四人，壯丁一七，三三二人。農產平均每年產稻七十萬石，玉蜀黍十一萬石，大小麥四萬石，礦產有鐵，煤銻等類，工藝品以青布，漬物，鹽菜，柿餅著名。黔桂公路幹線由都勻入境又經縣城，上司，下司，麻尾等地達廣西六寨，舊時里程由獨山至六寨，共計一百三十里。

### 本縣名勝古蹟如左：

獨山——在縣城二十里，山尖圓高峻，無他山聯屬，因名。山間清泉盈地，斷雲片片，到影水底；泉旁怪石蹲踞，石上下繡紋藤花，鳥歌竹響，紛紛呈巧獻奇；

俯臨鷄場一帶，煙村綉壤，恆望無際，漁人乘桴龍德河，隨波光蕩漾，宛在鏡中。

○ 白玉巖 在獨山城北，高可百丈，面如削成，玉文層起，晶光射目。

瑤瑯峯 在獨山三捧瑤瑯寨側，高峯聳峙，白岩陡立，照耀幽壑，昔人書「天

光雲影」四字於岩上。

雙虹洞 在獨山上司下江，有天生橋高懸洞外，與洞口掩映，河流入洞，日光

倒射，蕩漾晶瑩，明澈鬚髮；洞結內外二層，一層層雲霞簇擁；再進內洞，上開

天窗，下停澄潭，須竹篾浮過。其中古樹紛披，雲溜重疊，光怪奇離，引人入勝

○ 觀止洞 在城南漂寨，俗名漂洞，空靈絕世，潭水澄鮮。

古塘 在獨山南二里，澄清澈艷，濼回數十畝，有螺峯突出，在跨小橋，中有

小島二，雲霞出沒，隱現無常，周瀆疊石，邑人謂之「古塘雲島」。

影山草堂 在獨山城北，莫友芝兄弟早年讀書處。

